

Tjinemog api alotasitjig Barndy Brook pitao mataoeg 17 mall natami telpesog, Pollgap Maltan ag Sôsep Gapoin, Tjim Litji tan notjôtg pataloti. Nalsis Satalo oissoogateget Toma Misel ag Piel Sag Misel netna tesitjig otjit nanilitji sagmaga nanisgeoganag tjel eloigeneg teli pgitlogotitjig.

Setaneod tepp. 12 tes. Listogotitjig neote oentjigoom soel pisgoatitjig magtaoegeg oôgoisga apositjig epitjig gagmitjig gotjmpgoa na nemiatitji natgemelitj gagana, na disgoetesingig ag gepstageetitj gagana; tasetjig nemiatitji negela magtaoelitji oôgoisg Piel Palao ag otepitemel. Piel Ginis ag otepitemel, môgoa pesgeod gisgate-nog gato nige gisgateg.

LNOI sagmao EPEGOITG o toigiget 26 tes. set tepp.

Ansema nige gisgog notjinag patlias gaglogoetjig, nige gisgog eimatitjig. Notjinen patlias teloisit San A. McDonald, gato gteg patlias na negem mallejoetj me menag mesnemog lapaloesa ansema pa sig oetji pgingag ag natji apôgônemoatjel notjinala oetjiet, espi geginamoôgoomg, meta nige na môgoe gisi logotlog tan totjio gep-sagasig, nagemaseg oen tam gisi li mitogoen gtegel lapaloesela; na negemag tjel gisi alamesigetag setancolmgeg nagoeg ag nôg gelosit patliasa Piô McDonald teloisit notji ginamoet pogsega. Na amsgoes notjinen teli gelolg tan teli pagi ginoatôg setaneoling tan telipogolga, ag mset oenag pagelastegeg; tôgo na ansema telpi-olagleleg tangig mo sigentasoltjigoa; gato mset emtôgoatemittiteg tan tetotji gelolg pestonemegeoeia. Na tan totjio metlagtestaleg agtag alames, na oegela tanig mo sigentasoltjio atgig (an teli tepôtotitj solioeiea; gtotemina negemôo teloeitjig, soel etog maol ntaol latineointotitjig lnoog ola menigoga tan telgig migmagia, mo teloe-umeg migmaol ntemga, meta tes na neote agentieoti tapo na maol pisgoetatjig alasotmôgoomga, tôgo na geginotemasoltitjig tanel alasotmagenel eoasital gteg agentieotia, net na natel oetji gsemietjig, golaman na oetji ngemaseg ogisi oli maol ntolineoa, na tan totjio getapegiletetj ngotei eta nige oen ngoti ntôg teli gisi oli maol ntotitjig.

Etog tjel nige mo atjgenenos oiteg tanig notji ntotitjiga. Notji pipogoot San Misel Egsoet; tôgo tapositjig nigani ntôga, Leml Pernal ag Antoni Mitjel notji ntôg Patlig Lamoli; P. S. Lamoli; Agostin Pernal; Toma Piels; Piel P. Egsoet; Piel Pernal; San Gaplan; Lol Millie; Pilip Lapôp, na tesitjig notji ntotitjiga. Tôgo totjio tapositjig notnaoetjiga, Misel Goinapil ag San Tj.

Lamoli Inoi sagmao ogoisel, ag Misel P. Egsoet na negem notji nsetemal-soet.

Ansema etog nige gagi gisatasig igatagenimanei msigoa, mo ansema giaspi olasinog msigoa ag tesipôoimana, telategeg Inim eosami niolgisgeg oetjitoa; gato na nogo tan teli milamog mitjijtoel lôg oelasig ag minitjga na pa oltjel.

Magoe oenag malleoloug ola nige set aneomiga; pa sig neotetjij epit gisgentasit na amsgoes gogool notanemg teli gsi piltoasig, neotetjij epit môgoe gisi getlcoelig osigentasina ag môgoe getjlagol ogegontjel otimelin, nôg tôg maltjeoetjois elignemoetemgeg ogomitjga, tôgo ogomitjel teli listogotitjig jginoôpotitjig, teloisitag gisgolsgoôg Malgelit Goinapil gseg mo malleoigega; ogisigoma tlela epegoitg, teloisitag gisigoag Noel Alig Toma; gato ola nige epittitjig gisigentasit, otjel tôg etn oemtegitjel tjipogtog, gisigo teloisit Gôp me oen na tjipogtog Gôpag na epittitj oetagiag, 35 tesponat tôgo gis ansema oeli gagispongeg ogisi melioina, oetj-inemomel teloisilitjel Noet Lapôpal, gato epit teloisit Anies Gôp. Gato nige gegonaotjig Sôsep Pernal ag Mali Anies Lol teloitattijel Malgelit Anies, ag teloeitjig na amsgoes ngelnigenen teli oantageg tan totjio sapogoan tjigtjatotja; aptjio pa, et ngelnigenag megi atgetemiteo, gato ola nige ngelnigenen pa môgoe metego.

Tapositjig nepgig ola Inoi menigog, Misel Piels 55 tetotjeg ag elpatotj Lagin Tj. Lamoli 11 tetotjeg Inoi sagmao ogoisa; na tjel oetjlepenag Setang listogotjiga ansema nige pemi tapo-pongeg otjitana, na tjel negemag elt mesnegeg sapeoelig glotjioegtôtimgaga ignemoinamegtep gotjino patlias.

EPEGOITNEOEI agnotemagen (P. E. Island), Inoi menigog sagepgoisg 29 tes. mesgigeg alameseg ag mset Inog gemnicoltip.nig ogitji moibaltineoel tan teli sapesgemeg metoer gsinogôoagen lapigôt, igagep sigôgosôg. sevasisgeg agigigosôg tetateg ag na totjio miaoigneoasigep, etog agetais Inog mesnogotip, misôgo totjio malpaleoit getjitôg otlapigôtei, ag na nogo oetjategemg tegeolagat, oelmetôg malpaleoit misôgo gagi nepapôg ag gagi oagmatôgol oentjigoomel tan tet elg-ep lapigôt, nige môgoe nesanaagtenog.

Tanig oesoatotitjel solnaltitjel meogtipongegeoeitog Inoi menigog oisonoal tet eolgasigel:

LNOIGTOG	AGLASIEOIGTOG
Sagmao San Lamoli.	Chief John Sark
Misel Toma.	Michael Thomas
Tjosi Nagot	Joseph Knockwood
Tjô P. Pernal	Joseph Bernard